

498.





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 498 8° (LN 798 8° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 498 8° (LN 798 8° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 498 8° (LN 798 8° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 498 8° (LN 798 8° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 498 8° (LN 798 8° copy 2)

306

DA 30X

N^o 498.




St. Jørgens fort



= LN 798

lx. 2

498.



ASSERTIONES
 THEOLOGICÆ,
 QUAS HONORE DOCTO-
 ris in Theologia decorandus, Reueren-
 dus & Doctissimus vir, M. Paulus
 Matthias, Sacratiss: Theologiæ
 Baccalaureus, & Episcopus
 Sielandicarum Ecclesia-
 rum dignissimus, pub-
 licè defendet:

Præsidente Nicolao Hemmingio
 S: Theologiæ Doct.
 12. Aprilis
 Anno dominj 1570.



Hafniæ,
 Excudebat Laurentius
 Benedictus.

M. D. LXX.



1.



HOMINEM CREATUM esse ad imaginem DEI, est hominem imprimis conditum esse ad sanctitatem, iustitiam & æternam vitam.

2.

Hac imagine quia se ipse spoliavit homo suapte culpa, excidit iustitia, sanctitate & æterna vita, & factus sua inobedientia iniustus, incidit in prophanitatem & æternam mortem.

3.

Hinc factum est, quòd homo conditus ad summam felicitatem, incidit in extremam miseriam, qua nihil tristius, nihil calamitosius, nihil denique miserabilius cogitari potest.

4.

Iam autem ipsa iusticiæ in Deo ratio postulabat, ut homo aut obrueretur

A2

æter-

æterna morte & miseria, aut satisfaceret
iusticiæ Dei, qui peccato hominis gra-
uissimè offensus erat.

5.

Sed homo planè auersus à Deo per
mentis suæ vanitatem, intelligentiæ
cæcitatem, & cordis obdurationem, nec
intelligit, nec vult, nec potest quicquā,
quod facit ad sui instaurationem.

6.

Hinc est quòd Paulus post Davi-
dem dicat, comprobante omnium homi-
num experientia: non est qui intelligat,
non est qui exquirat Deum, omnes de-
clinauerunt, simul inutiles facti sunt,
non est qui exerceat bonitatem, non est
vsq; ad vnum.

7.

Homo ergo planè prostratus iacet
peccato, seruus peccati factus totus, cu-
ius mens vanis spectris, intelligentia
cæca

cæca caligine, & voluntas spontanea
contumacia obruta est. Vbi ergo libe-
rum illud arbitriū est, quod Græci nunc
αὐτεξέσιον, nūc αὐτεπάγγελτον, nunc αὐταρχετον
superbè nominant.

8.

Hic Deus æternus, qui est æternus
pater, & æternus filius, & æternus spi-
ritus sanctus, vnus in vera deitate De-
us, & tres hypostases, verè subsistentes
in vna Deitate, hic inquam Deus sapi-
entiae, potentiae, iusticiae & misericor-
diae suae eam rationem habere voluit,
vt simul starent perfectissimè, quò &
ab angelis & ab hominibus agnosce-
tur, summè sapiens, summè potens, sum-
mè iustus, summè misericors, sine qui-
bus virtutibus, maiestas Diuina salua
esse non poterit.

9.

Itaq; Deus has virtutes ita tempe-

A3

rat

rat, in saluatione hominis, vt simul omnes stent mutuis auxilijs, nulla ex parte imminuta, sed suis gradibus perfectissima, vt meritò Christo nato canant angeli: Gloria in excelsis Deo.

IO.

Nam cum Deus sua voce verbum promissionis, de semine mulieris, contrituro caput Serpentis, hoc est, (interprete Iohanne Apostolo) de Christo, destrueturo opera Diaboli, hoc est peccatum & mortem edidit, suam summam Sapientiam commēdat, summam Potētiam monstrat, summam Iusticiam ostendit, & summam Misericordiam declarat.

II.

Summa Sapientia Dei in eo conspicitur, quòd Deus non sit eo frustratus fine, quem in creatione sibi proposuit. Nam sapientis est, ita propter finem agere, vt finem assequatur. Nunc autem

tem si Deus, habita solius suæ Iusticiæ
ratione, hominem æternum damnaſſet,
excidiſſet fine creati hominis, atq; ita
actum fuiſſet de ipsius summa Sapien-
tia. Cogitat ergo Deus de reparatione
hominis ad imaginem suam, vt ipsius
summa conſpiciatur Sapiencia, quam
Paulus anteposit Sapiencia principum
ſeculi huius.

12.

Potentia Dei summa in hoc cerni-
tur, quòd peccatum & mortem, quæ nul-
la creata potentia superare potuit, de-
struxerit, idq; miro modo, videlicet per
mortem filij vnigeniti.

13.

Iusticia Dei in hoc apparet summa,
quòd non voluerit humanum genus li-
berare tantum potentia, quod fuiſſet
illi promptiſſimum, ſed etiam iusticia,
nihil enim absurdi facere voluit, & ſua

Diuina maiestate indignum. Voluit
ergo ex sua iusticia, in vno homine pu-
nire peccatum, vt per vnum hominem
totus mundus reus est factus.

14.

Hinc concluditur summa Dei mi-
sericordia, quæ omnia opera Dei exce-
dit, de qua ipse Dominus Nicodemo cõ-
cionatur: Sic Deus dilexit mundum,
vt filium suum vnigenitum daret, vt
omnis qui credit in eum, non pereat, sed
habeat vitam æternam.

15.

Porro hoc mysterium reparationis
humani generis per Christum, altius co-
gitandum & apertius declarandū est,
vt magis dulcescat ἡ ἀγάπη illa virtus,
quam Deus in hoc reparationis nostri
mysterio, luculentissimè cõtemplandam
proponit.

Sex

Sex itaq; ante omnia cognoscenda,
 & fideliter cogitanda sunt, de repara-
 tore generis humani, Iesu Christo, me-
 diatore & redemptore nostro vnico: ho-
 rum primū est, quòd Iesus Mariæ Vir-
 ginis filius, sit ille Messias, & reparator
 humani generis olim promissus, & po-
 stea suo tempore exhibitus. Secundum,
 quòd hic mediator sit verus Deus, &
 cur hoc fuerit neceſſe. Tertium, quòd sit
 verus homo, & cur oportuerit ita eſſe.
 Quartum, quòd sit vna persona, Deus
 & homo, & qua de causa ita decuerit.
 Quintum, quòd sit redemptor & saluator
 noster, & quibus modis id contingat.
 Sextum, quomodo nobis hic sua benefi-
 cia offerat, & quomodo eorundem effi-
 ciamur participes. De his sex membris
 eo quo sunt à nobis ordine proposita,
 breuiter dicemus.

Quantum autem ad primum attinet, hæc demonstratio immota, qua sapientissimi in mundo homines, conuicti sunt, ut Christum verum Messiam agnoscerent, reciperent & colerent, tenenda est.

Ille solus absq; omni dubio, & certissimo certius, verus est Messias, promissus humani generis Saluator, Sacerdos & Mediator noster vnicus, in quem solum omnia Prophetarum vaticinia conueniunt, & quicquid prædictum est de Messia, à sanctis Dei prophetis, Mose & alijs.

In Iesum autem, Virginis Mariæ filium, omnia Prophetarum vaticinia conueniunt, & quicquid prædictum est à sanctis Dei Prophetis, Mose & alijs. Hinc illud Augustini: firmitas fidei in eo est, quia omnia quæ euenerūt in Christo prædicta sunt. Ie.

Iesus igitur, Mariæ virginis filius,
solus absq. omni dubio, & certissimo
certius, verus est Messias, et promissus
humani generis Saluator, Sacerdos &
Mediator noster vnicus.

Maiorem recipiunt omnes, quotquot
de veritate verbi Dei, traditi in Mose
& Prophetis non dubitant. Minorem
confirmat Euangelica historia, & epi-
stolæ Apostolicæ, & omnium Sanctorū
viva experientia, ex quo fit, vt intrepide
contemnant omnium Diabolorum,
Iudæorum & Mahometistarum deli-
ria, qui hunc Iesum nobiscum non reci-
piunt, venerantur, colunt.

18.

Quantum autem ad secundum atti-
net, videlicet quòd Mediator noster,
Christus Iesus, sit verus Deus, ex qua-
tuor infallibilibus demonstrationibus
patet.

Pri

Prima est ipsa vox Dei, omni veritate superior: hæc enim vox, Christum & Deum, & Dei filium esse, clarissime testatur in Prophetis & Apostolicis scriptis, quæ ut nota prætereo.

Secunda sumitur à diuinis Christi operibus: cui enim tribuitur proprium, quod vni soli essentiae conuenit, huic etiam essentiam tribui necesse est. Cum ergo tribuitur Christo, creatio, viuificatio, imperium in omnes creaturas, excitatio mortuorum, inspectio cordium &c: quæ omnia sunt diuinæ essentiae propria, necesse est, ut ipsum Deum agnoscamus.

Tertia sumitur à cultu, quem vniuersa creatura illi tribuit, qui cum sit Dei proprius, sequitur ipsum Deum esse. Solus enim Deus adorandus, inuocandus & colendus est: hunc cultum Christo scriptura tribuit.

Quarta sumitur à testimonio Ecclesie

clesia, quæ, ut est in symbolis, Christum
confitetur & prædicat, verum Deum
de Deo vero, genitum, non factum,
consubstantiali patri.

19.

Has demonstrationes de vera Christi
diuinitate, opponamus omnium Dia-
bolorum & hominum furoribus, & ac-
quiescamus, in vera sententia Catholi-
cæ Ecclesiæ filij Dei.

20.

Quòd autem necesse fuerit nostrum
mediatorem Iesum Christum, esse De-
um verum, ex duabus demonstrationi-
bus patebit.

21.

Prior, nulla finita potentia potuit
malum illud tollere, quo oppressum erat
humanum genus, quod tamen facere
mediatorem oportuit. Quæ enim crea-
tura potuisset peccati onus tollere, in-
stam

Stam iram Dei mitigare, potentiam
mortis vincere, ac Diaboli tyrannidem
superare?

22.

Posterior, nulla creata potentia, po-
tuit restituere homini bona, quæ per
peccatum amissa erant, quod Mediator
rem oportuit facere. Nulla creatura po-
tuit restituere homini, perfectam sapi-
entiam, iusticiam, sanctitatem & ple-
nam redemptionem, quæ plura requirit,
videlicet, vt Mediator sit perpetuus
custos ecclesiæ, & membrorum eius: vt
videat gemitus cordium: vt sit vbique
præsens: vt excitet mortuos in extre-
mo die: vt excitatos ornet immortali-
tate, & æternæ fælicitatis gloria. Quis
non videt hæc bona, non potuisse resti-
tui, nisi Mediator, (cuius erat hæc om-
nia facere) Deus esset?

Ter.

23.

Tertium quod proposui necessario sciendum esse de Mediatore est, quod Mediator noster, sit verus homo, & cur hoc fuerit necesse.

24.

Quod sit verus homo, de semine Abrahamæ, secundum scripturam natus, satis liquet ex promissionibus veteris testamenti, & ex historia noui testamenti, quare hoc ut notum prætereo.

25.

Cur autem oportuerit Mediatorem hominem esse, plures causæ ex verbo Dei colligi possunt. Primum enim hoc postulabat Iusticia Dei. Nam congruebat Iusticiæ diuinæ, ut quemadmodum vnus homo, sua culpa coniecit reliquos in mortem, ita vnus in humano genere, restitueret vitam, iustè prius placata ira Dei. Deinde imago Dei, erat reparanda

randa in homine per hominem, quemad-
modum per hominem amissa erat. Tum
adoptio nostri non potuit fieri nisi per
hominem, qui verus & vnigenitus
filius Dei erat. Postremò certitudo re-
surrectionis corporum nostrorum, quæ
independet, quòd cum mediatore nostro
coniuncti simus naturæ societate 1. Co-
rint. 15.

26.

Quartum quod sciendum necessario
de mediatore dixi, est quòd mediator
noster sit vna persona, in duabus naturis
subsistens, & cur hoc fuerit necesse.

27.

Quòd autem mediator noster sit
vna persona, multa testantur scripturæ
testimonia, ex quibus pauca adscribam.
Ioh. 1. Verbum caro factum est, & ad-
dit: & vidimus gloriam eius, gloriam
tanquam filij vnigeniti à patre, si iam
fuis-

fuiſſent duæ personæ, Deus & homo,
 Mediator noster, dixisset Iohannes: vi-
 dimus eorum gloriam, & non ipsius.
 Matth. 4. Hic est filius meus dilectus
 in quo mihi complacui, Ipsum audite.
 Hic pater agnoscit vnum & eundem,
 suum filium & Mariæ filium, & dicit:
 Hunc audite, vt significet vnā esse
 personam. Et Paulus Rom. 1. dicit:
 Filius Dei natus est ex semine David
 Rom. 9. ex quibus est Christus secun-
 dum carnem, qui est super omnia, Deus
 benedictus in secula. Christus ergo vnus
 est, id est vna persona.

28.

Ob hanc ineffabilem Diuinæ na-
 turæ, & humane naturæ vnionem per-
 sonalem, fit mutua proprietatum vtri-
 usq; naturæ alternatio, & alterna præ-
 dicatio, vt rectè dicatur: homo est De-

B

us,

us, Deus est homo, homo est creator,
creator est passus.

29.

Verum hæc alternatio, fit solummodo in concreto, hoc est, cum subiectum propositionis est concretum. Et nullo pacto in abstracto. Nam cum in concreto fit, significatur personæ unitas. Si fieret in abstracto, fieret quoque naturarum, proprietatum naturalium, & modorum naturarum confusio.

30.

Vt enim post unionem, oportet nos confiteri unam personam, Deum & hominem: Ita naturas salvas & integras, sine confusione manere, credere nos oportet.

31.

Salvis igitur naturis & integris, inconfusæ proprietates, & naturarum modi manent.

Etsi

*Etsi autem, nec naturæ, nec natura-
rum proprietates, aut modi confundun-
tur: tamē actiones Mediatoris, personæ
sunt totius, non huic vel illi naturæ seor-
sum adscribendæ, neque impedit, quòd
quædā actiones, propriè à diuina, quæ-
dam propriè ab humana natura proficis-
cuntur, vt enim cū de homine loqui-
mur: homo intelligit, homo currit, ho-
minis personæ tribuuntur actiones, quo-
rum alia propria est animæ rationalis,
alia corporis, tamē vtraque personæ ho-
minis tribuitur: Ita cū de Christo dici-
mus, Christus creat, Christus patitur,
personæ Christi tribuuntur actiones, qua-
rum alia deitati, alia humanitati conue-
nit, Sed tamen vtraq; personæ Christi
tribuitur.*

*Propter has ergo actiones saluatio-
nis, oportuit Mediatorem esse vnā per-*

sonam, cuius etsi plures causæ à Teologis numerantur, tamen hæc est præcipua, ut actiones Mediatoris in humana natura, sint infiniti precij, quia sunt actiones personæ, quæ est Deus, infinitæ potentie.

34.

Est proinde ex indiuidua, naturæ diuinæ & humanæ, in vna persona vnione, dignitas infinita, perfectio absolutissima, & inestimabile precium sanguinis, mortis, & precationis, atq; adeo omnium actionum & passionum Christi, in sanctissima humanitate Christi. Inde enim est potentia & virtus delendæ iniquitatis, potestas remittendi peccata, iustificandi, viuificandi & saluandi credentes.

35.

Quintum, quod necessario tenendū esse de Mediatore dixi, est quòd Mediator

ator noster, sit redemptor & Saluator
noster, & quomodo redemptionis & sal-
uationis nostræ partes peregerit.

36.

Quòd Mediator noster, sit redem-
tor noster, & Saluator noster, ex mul-
tis testimonijs, hæc pauca propouo. Moi-
ses Gen. 3. Semen Mulieris conteret ca-
put Serpentis, Et Dominus ad Abra-
ham: Benedicentur in semine tuo omnes
gentes. Et Gabriel ad matrem Domi-
ni: Tu vocabis nomen eius Iesum, quia
populum suum liberabit à peccatis eo-
rum: Et Angelus ait pastoribus: Ecce
annūcio vobis gaudium magnum, quòd
vobis Saluator sit natus in ciuitate Da-
uid. Paulus quoq; ait: Certus sermo, &
omni approbatione dignus, quòd Iesus
Christus venit in mundum saluare pec-
catores.

37.

Sed quomodo noster est Saluator?

B 3

pri.

primum, tollit merito mortis suæ peccatum, quod nos habemus. Secundo, donat nobis ex merito obedientiæ suæ erga legem Dei, iusticiam quam nō habemus. Tertio, suo spiritu nos sanctificat & regenerat, ut fiamus filij Dei, quod non eramus. Quarto, liberat nos ab inferno, quem ipsi meriti eramus, & introducit nos in æternæ salutis possessionem, quam ipse nobis meruit.

38.

Sextum quod refert scire de Mediatore est, quomodo nobis beneficia Mediatoris offerantur, & quomodo à nobis percipiantur.

39.

Christus ascensurus in cælum, instituit ministerium verbi, & iussit prædicari pœnitentiam, & remissionem peccatorum omnibus, in suo nomine, addēs hanc promissionem: Qui crediderit & bap-

baptizatus fuerit, saluus erit, qui verò
non crediderit, condemnabitur.

40.

Pertinet ergo ministerium Euan-
gelij eò, vt per illud colligatur ecclesia,
& in ea sonet vox Euangelij, & per-
cipiantur Sacramenta, promissionum
obsignationes. 41.

Verùm quia ea est in nobis ignoran-
tia & torpor, vt nec peccatum nostrum
satis intelligamus, nec maledictionis
sententiam, in nos latam, vt decet co-
gitemus, opus est ministerio legis, quæ
vt doctrina, ignorantia nostræ de pec-
cato medetur: ita maledictionis senten-
tia in transgressores, torporem pellit,
vt veluti excitati à profundo somno,
morbum intelligamus, & ab eo pericu-
lum maximum nobis imminere, nisi
quæramus Christum medicum, qui solus
medicinam animæ nouit, sciamus.

B 4

Est

42.

Est autem lex præceptio diuina obligans omnes homines vel ad puram, perfectam, perpetuam & spirituales obedientiam, vel ad poenam maledictionis & mortis æternæ, nisi aliunde succurratur, & legi satisfiat.

43.

Nunc autem cum communis naturæ humanæ prauitas, vniuersalis experientia, iudicium Dei iustum, conscientia cuiusq;, aperta scripturæ testimonia, repugnantes conditiones legis diuinæ, & carnis nostræ, & necessitas Mediatoris, conuincunt neminem (excepto vno Christo) posse legem facere, sequitur omnes homines (excepto vno Christo) obligari lege diuina, ad poenam maledictionis & mortis æternæ.

44.

Falsa est igitur omnium Hypocritarum,

tarum, Phariseorum, Pelagianorū & Papiſtarū opinio, qui putant, & docent legem Dei, poſſe præſtari ab homine, puris, vt vocant, naturalibus, vel ſine gratia, vt loquitur Pelagius.

45.

Et cū imperitè dicunt nullum eſſe vſum legis, ſi non iuſtificet, nos contrā contendimus, legis vſum eſſe maximū in Eccleſia Dei ac longè vtiliſſimum. Nam legis diuinæ triplex vſus eſt: Externus, Internus & Spiritualis.

46.

Externus vſus legis eſt, regere externi hominis mores, diſciplina cum lege Dei congruente, vt homines quietè et tranquillè in hac vita viuere poſſint.

47.

Internus vſus, in conſcientia hominis locum habet, quem lex docet, ac-
cuſat, damnat. Docet quid faciendum

Et quid fugiendū sit, accusat legis trāsgressorem, condemnat reum, proposita maledictionis Et mortis pœna æterna.

48.

In hoc interno vsu legis, spectandum est consilium Dei quod conuenit cū parabola de Rege, cui à seruo debitore debebātur decies mille talenta Mat. 18. Vt enim hic Rex exegit debitum, quod sciuit seruum non esse soluendo, sed tamen iustè exegit, quod sibi debebatur, vt seruus suam agnosceret inopiam, cōfugeret ad gratiam, Et peteret debiti condonationem: Ita Deus ipse, sua lege requirit quod sibi debetur, nempe purā, perpetuam, perfectam Et spiritualem obedientiam erga suam legem, idq; eo fine facit, vt homo agnito peccato suo, considerata ira Dei, Et propria miseria, quærat ex gratia, quod naturæ viribus obtinere non potest.

At.

sio

qua

gog

Ga

om.

cre

tem

stu

con

pœ

Iua

vt

sit

qui

H

Eu

49.

Atque ita lex, homini saucio occasio est quærendi medicum Christum, qua de causa potissimum dicitur pædagogus ad Christum. Hoc est ut Paul: Gal. 3. interpretatur, Deus conclusit omnia sub peccato, ut promissio detur credentibus ex fide. Promissio autem hæc reconciliationis est per Christum.

50.

Cum ergo homo, ita legis malleo contusus & humiliatus, sentit gustum pœnarum inferni, aut desperabit, ut Iudas: aut quæret Christum medicum ut Petrus, quô intelligat quàm suavis sit dominus, & quàm beatus sit homo, qui sperat in eo.

51.

Hic ergo primū tempestiuè proponitur Euāgeliū quod est prædicatio pœnitentie

tie (id est conuersionis) & remissionis
peccatorum, in nomine Christi, ad om-
nes populos & nationes Mundi.

52.

Hæc definitio, cùm habeat Chri-
stum autorem, labefactari non potest.
Sed rectè intelligendum est vocabulum
pœnitentiæ, quo vsus est vetus inter-
pres reddens vocem μετανοίας, quæ est cō-
uersio hominis ad Deum, per fidem in
Iesum Christum. Nam hec conuersio
(etsi antecedit eam contritio, & sequi-
tur nouitas vitæ) in sola fide posita est.

53.

Ei autem qui ita conuertitur, hoc
est, credit in Christum, Euangelium
offert remissionem peccatorum, idq; pro-
miscuè, sine acceptatione personarum
& nationum, sine peccatorum commis-
sorum discrimine. Gratia enim exube-
rat plusquam peccatum.

Cum

54.

Cum hac fide remissionis peccatorum, coniuncta sunt duo, videlicet gratia, & donum, quæ ab illa, nec separari vnquam possunt, nec debent.

55.

Gratia est ipsa iustificatio, quæ est imputatio iusticiæ Christi, qua homo remissis peccatis, verè fit & censetur iustus coram Deo. Est enim hîc iusticia, nihil aliud quàm perfecta legis impletio, à Christo quidem facta, sed credenti donata & imputata, vt ea iustus sit, & censeatur coram Deo. Atq; hoc est quod Paulus dicit Rom. 10. Christus est finis legis, in iusticiam omni credenti, hoc est, omnis qui credit, habet quod lex requirit, nempe iusticiam, non quidem à se factam, sed sibi imputatam à Christo.

Quod

Cum

56.

Quòd autem hæc iusticia, qua credentes iusti sumus, non sit essentialis Dei iusticia, ut voluit Osiander, sed obedientia Christi, qua implevit legem Dei, docet Paulus apertius Rom. 5. quàm ut negari possit.

57.

Donum, quod diximus coniunctum esse, cum fide remissionis peccatorum, est donatio spiritus sancti, qua homo sola fide iustificatus, regeneratur, hoc est: mortificatur & viuificatur, ut iam noua sit creatura, Deum vero cultu colens, iuxta legis normam, quantum quidem id fieri potest in hac infirmitate.

58.

Hic ergo se offert tertius vsus legis, quem spiritualem dixi, eò quòd pertineat ad hominem, spiritu Dei regenis

genitum, in hunc finem, ut Deo ser-
uiat omnibus diebus vitæ suæ, in iusti-
cia & sanctitate vera.

59.

Homo proinde fide iustificatus, &
spiritu Dei regeneratus, proponet sibi le-
gem Dei, tanquam normam cultus di-
uini, ut Deum sua obediētia glorificet.

60.

Atq; ita apparet, quòd ad cultum
Dei verum requiratur, & norma le-
gis, & fides Euangelij: Nam ut norma
legis materiam cultus diuini monstrat,
ita fides Euangelij, veluti formam in-
duit materiæ, ut sit & verè dicatur
cultus Dei.

61.

Est proinde cultus Dei omnis obe-
dientia, à Deo mandata, ex fide profi-
ciscens, & in gloriam Dei principaliter tendens.

Vt

62.

Vt autem in hoc cultu Deo præstando non erretur, eadem fides facit. Hæc enim sola est fundamentum, principium, dux & gubernatrix cultus diuini, atq; adeo omnium actionum & virtutum Christianarum. Fundamentum est, quia super ea extruitur cultus diuinus: Principium, quia ab ea manat, vt à fonte: Dux, quia regit cultum diuinum inter limites legis diuinæ, ne vel deflectamus in Hypocrisin, & traditiones Diabolorum & hominum, vel feramur in peccata conscientiam vastantia. Deniq; gubernatrix est, facit enim vt pij rectè ferantur, in cultu præstando, ad finem, videlicet ad gloriam Dei, ædificationem Ecclesiæ, & vtilitatem proximorum.

63.

Hactenus, quomodo verbo beneficia

cia mediatoris offerantur & fide perci-
pianur diximus, nunc reliquum est in-
strumentum alterum, quo eadem bene-
ficia & offeruntur & percipiuntur, vi-
delicet Sacramentum à Christo institu-
tum.

64.

Sunt autem duo Sacramenta pro-
pria Ecclesiae Dei, videlicet Baptis-
mus & Cæna Domini, Baptismo rege-
neramur, Cæna Domini alimur in cor-
pore Christi.

65.

Porro, quia Iohannes Euangelium
Christi ideo annunciari dicit, ut sit so-
cietas quædam Sanctorum, hoc est Ec-
clesia, iam quid Ecclesia sit, & quo-
modo fulciatur paucis aperiendum est.

66.

Ecclesia itaque est iuxta Symbo-
lum Apostolicum, societas Sanctorum,

C

quæ

que definitio ex primo capite primæ
epistolæ Iohannis desumpta est, ubi Io-
hannes exhortaturus ad sanctitatem
vitæ, & fugam tenebrarum, dicit cre-
dentes habere societatem cum patre, &
cum filio eius Iesu Christo, & inter se
inuicem. Annunciamus vobis, inquit,
quod vidimus & audiimus, ut & vos
habeatis societatem nobiscum, & socie-
tas nostra sit cum Patre, & cum Filio
eius Iesu Christo.

67.

Hæc societas tria complectitur,
videlicet arctissimam coniunctionem,
qua & sancti cum Deo, & inter se con-
iunguntur, benignissimam communi-
cationem, qua ut Deus liberalissimè
effundit suum spiritum in sanctos, &
multa spiritualia & corporalia dona
illis confert: Ita verè Christiani, mu-
tua sibi ex dilectione officia præstant,

&

et amplissimam rerum communium
possessionem, quæ sanè possessio duplex
est, vna in hac vita locum habet, altera
in omnem æternitatem durabit.

68.

Etsi autem rectè ex Symoblo defi-
nimus Ecclesiam: tamen nihil iuuat
Anabaptistas, qui ex hac definitione,
quam nobiscum approbant, efficere vo-
lunt, non esse ibi Ecclesiam, vbi sunt
multi mali, et grassantur multa vicia.

69.

Nam discrimen facimus cum Chri-
sto, inter triticum et Zizania, inter
verè sanctos et prophanos, inter Ec-
clesiam, quæ hoc nomine digna est, et
externum cætum audientium Euange-
lium et participantium Sacramenta.

70.

In externo enim cætu Ecclesiæ, du-
plicia sunt membra, videlicet viua in

C 2

Chri

Christo per fidem, quibus conuenit de-
finitio ex Symbolo adducta, & mor-
tua, quales sunt omnes, qui profitentur
verbis & Sacramentis Christianissi-
mum, sine vera pœnitentia.

71.

Nam vt in populo Israel fuerunt
multi, qui se Abrahami filios, & mem-
bra veræ Ecclesiæ profitebantur, inter
quos paucissimi quidem erant filij, vt
Paulus loquitur, promissionis, plurimi
verò carnis: Ita & hodie in externo
cœtu Ecclesiæ, plurimi quidem sunt,
qui gloriantur de titulo Ecclesiæ, pau-
cissimi verò qui insistent vestigijs fi-
dei, & obedientiæ Abrahamæ.

72.

Vt autem fidei vestigijs soli illi in-
sistent, qui vna fiducia in promissio-
nem gratuitam recumbunt: Ita obedi-
entiæ vestigijs insistant, qui ex fide
obe-

obedientiam erga Deum, exemplo
 Abrahæ omnibus rebus mundi antepo-
 nunt, in qua re, Christiana in hac vita
 perfectio consistit, & nō in paupertate
 & voto, ut insulsi Monachi garriunt.

73.

Porro Ecclesia Dei, extructa per
 verbum & Spiritum sanctum, regitur
 & fulcitur Verbo, Spiritu, Sacramen-
 tis, Disciplina & Ceremonijs, in his
 Ecclesiæ potestas posita est, quæ cla-
 uium & iurisdictionis dicitur.

74.

Verbum debet esse non hominis,
 sed Dei: Spiritus Christi, non Diabo-
 li, Mundi, aut AntiChristi: Sacramen-
 ta diuina, & non humana, ut Baptis-
 mus & Cæna Domini: Disciplina,
 quæ nos regat in via Domini, & non
 abducat ad hominum commenta: Cere-
 moniæ, quæ ædificant, & nō destruunt.

C 3

Hæc


75.

*Hæc coniuncta, Ecclesiam con-
servant & fulciunt, vt tandem ad fæ-
licitatis promissæ portum, imò plenam
possessionem perueniat.*




498.

on
fe
am



498.



498.